



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vindex Libertatis Ecclesiasticae || Et Martyr || S.
Engelbertvs || Archiepiscopus Co-||loniensis Princeps ||
Elector, &c.**

Gelenius, Aegidius

Coloniae Agrippinae, 1633

Caput Sextum. Comes Fridericus animum suum quodammodo prodit in itinere.

urn:nbn:de:hbz:466:1-9728

A datis. Nam Aspelen, Rees, Bechem, Schvvelm, & Hagen in fiduciam, & antichresin dicuntur concessa, donec septem & quinquaginta millia florenorum ab Archiepiscopo Coloniensi Marcanis Comitibus refundantur.

Vide infra
lib. 3. c. 46.

Caput Sextum.

Comes Fridericus animum suum, quodammodo prodit in itinere.

B CVM autem Episcopus properaret ad locum destinatum, Comes Fridericus circa meridiem venit ad eum, certior fieri cupiens quo tenderet, & qui vel quot cum eo essent. Episcopus illum salutatur, utque apud se pernoctaret, plurimum inuitat: sed ille non acquiescit, aliquid semper, ut prius, causæ prætexens. O cor agnium, ò oculum columbinum. Cor sine felle, oculus sine suspicione. Inuitat amicus hostem, domesticus latronem, hostia carnificem. Comite recedente, & pontifice procedente, tempus adest vespertinum. Vesperis vero dictis, rursus adest Comes. Eum cernens eminus Conradus Comes Tremonia, ait ad Episcopum: Domine, creber Comitibus huius accessus & recessus mihi multum est suspectus. En nunc tertio venit, & non, sicut ante, in palefrido, sed in dextrario. Consulo vobis, ut & vos dextrarium vestrum ascendatis. Cui ille respondit: Hoc nimis esset notabile. Non enim timeo: quia non nocui illi. Cumque appropinquaret, viderunt vultus eius colorem penitus immutatum. Heu quam difficile est, ut quidam ait, crimen non prodere vultu. Cæpit autem eum alloqui Episcopus, & dicere: Sciebam cognate, quod tandem maneres mecum: sed ille nihil respondit, conscius ipse sibi: pergebantque simul. Ea causa quidam tam ex Clericis, quam ex militibus suspicione territi, ab illorum se comitatu subdlexerunt. Magna vero pars Episcopalis familiae cum comitis iam dudum ad hospitium præparandum præcesserat, & pauci cum pontifice remanserant. Sole properante ad occasum, hostia cum immolante properat ad aram, ut fieret Domino sacrificium vespertinum, quod dignius erat in lege. Passus est Christus sexta feria, hora sexta, scilicet in meridie, ut declararet se mediatorem esse Dei & hominum: Engelbertum vero pati voluit eadem feria, sed in fine diei: ut ostenderet eum per bonum finem, non per præcedentem vitam, coronatum.

Fridericus comes eius iter explorat.

Non caue sibi ab insidiis Friderici.

Leuit. 3.

Per caudam hostiæ, bonus finis designatus est in lege. Hostiam sine cauda offerre non licuit: neque Deo vita bona sine bono sine placebit. **A**
 Sciens scriptum beatus ille, Qualem te inuenero, talem te iudico: maxime à religiosis expetere solebat, quatenus ei finem bonum suis orationibus apud Deum obtinerent: quod & factum est eo, quo iam dicemus, ordine.

Notatio ad Caput Sextum.

B. ENGELBERTVS horas Canonicas non negligit in itinere.

IN manuscriptis hoc caput à præcedenti non distinguitur. Obseruatu dignum est, quod **B. ENGELBERTVS** in itinere **B** & precum horariarum pensum accurarit, & in comitatu suo Clericorum duxerit multitudinem.

§. Comes Tremonia.

Tremoniensis comitatus.

*Bertius in
 comm. rerū
 Germ. lib. 3.
 in Tremonia.*

Rēpublicā Tremoniensem olim pro Imperatore Comes seu Regius vicarius vniuersam administrabat cum consilio Borchmānorum, id est Castrensiū ex antiquæ nobilitatis Familijs: Quæ Comitum Tremoniensium dignitas licet antiquitus à solâ Regum beneficentiâ penderet, ex quo tamen à domo Saxonica Imperii dignitas translata fuit, Cæsaresq; rarius in Westphalia versabantur, ita hæreditaria esse cœpit, vt Comitum successores clientelæ seu feudi nomine eam ab Imperatore acciperent. Sed postmodum à Conrado Comite anno 1343, vt docent venditionis ipsius tabulæ, alienatio à maioribus ipsius facta, sub certis legibus rata est habita, atque in Senatum Comitatus medietas translata est, ita vt magistratus & Comes diu admodum partitam æqualiter

**C****D**